

LEY DI AUSENCIA PA MATERNIDAD MESTER TA IGUAL PA GOBIERNO Y SECTOR PRIVA!

ORANJESTAD (AAN) -- Diamars 26 di Maart DIARIO a publica un articulo bao di cabes "Ausencia pa maternidad pa sector priva y pa ambtenaar ta diferente", cual ta basa riba informacion oficial cu redaccion a busca cerca e instancia concerni, pa motivo cu for di basta tempo mayoria di trahadornan femenino di sector priva cu ta mira esaki como un discriminacion, ta boga pa un cambio y pa e ley aki worde iguala. Durante e siman cu hende muher tabata den noticia, relaciona cu Dia Internacional di Hende Muher, y tambe mirando cu dos organo a lanta pa defende nan derechonan di hende muher na Aruba, nan ta mira cu den e propio sector

laboral tin discriminacion den ley pa hende muher, depende si nan ta traha pa gobierno of pa comercio, y e pregunta cu a bini acerca ta: e instancianan aki lo tene cuenta cu e ley di ausencia pa maternidad, pa iguala esaki? Ki diferencia tin entre dos hende muher cu ta bay haya yiu, si un ta traha pa gobierno y otro pa sector priva? Ta un mama tur dos ta bay bira, tur dos ta carga nan yiu 9 luna den barica, y tur dos ta core e mesun riesgo ora di trece yiu na mundo.

Pesey nan pregunta ta, si den e funcionamiento di e departamento pa asuntonan di hende muher Ministro Lili Beke tin den plan cambia e leynan discriminatorio cu te

ainda por existi y si esun di ausencia pa maternidad ta un di nan.

Bon mira e ley aki ta refleha un diferencia den tempo y den pago pa e mama cu ta ambtenaar y pa e mama cu ta traha pa sector priva.

Trahando pa gobierno e mama tin un luna mas di descanso (6 siman prome, seis siman despues di parto) cu esun cu ta traha pa sector priva (4 siman prome, 4 siman despues).

Tampoco gobierno no ta mishi cu salario di un hende muher pa motivo di ausencia pa maternidad, cual nan ta ricibi completo, mientras cu den sector priva esey si ta e caso, y pa colmo hopi ta depende tambe di loke e doño di

trabao ta stipula den e contrato di trabao (CAO), mientras cu pa empleadonan femenino den gobierno e limitacion aki no ta existi.

Un punto cu a worde menciona na DIARIO ta cu den sector priva un hende muher na estado por worde move for di e posicion cu e ta ocupando e ora ey si e donador di trabao ta sinti cu embarazo ta stroba e persona den su trabao, mientras cu den gobierno tampoco esaki ta sosode, y te hasta tin casonan unda un dama a perde su trabao pasobra e donador di trabao ta considera maternidad como un estado incompatible cu e funcion cu e ser femenino ey ta ocupa.

E hendenan muher cu a tuma

contacto cu DIARIO pa trece e topico aki dilanti (riba cual redaccion a publica loke ley ta bisa) kier sa di Ministro Beke, si e lo bay traha pa e ley aki worde iguala, manera e mes a yega di declara pa Dia Internacional di Hende Muher aña pasa, den entrevista cu DIARIO mes, ora el a elabora riba su proyecto pa bin cu un departamento pa asuntonan di hende muher.

Lo ta bon pa destaca den e articulo aki cu despues cu DIARIO a bin cu e publicacion di e ley diamars 26 ultimo, redaccion a ricibi diferente reaccion pa acentua e manera mal balansa cu e ley pa ausencia pa maternidad a ser traha loke di facto no ta cuadra cu e ley di maternidad internacional cu si no ta tur, alomenos mayoria di pais di mundo ta aplica, y cu ta un ley pa tur. Na Aruba, bon mira, e ley aki practicamente ta parti den dos, of hasta por duna impresion cu tin dos ley.

WYNDHAM ARUBA
BEACH RESORT & CASINO

CASABLANCA
Casino



CASABLANCA CASINO TA PAGA EN

GRANDI!!

\$ 40.000

UN ROYAL FLUSH, DIARANZON 26, 1996

BIN PA BO TAMBE BIRA UN GRAN GANADOR NA CASABLANCA CASINO.

BRENCHIES
HOME • CENTER • ANNEX

PARTICIPA DEN NOS
"YOUR" BIRTHDAY SALE
Y GOZA DI

15%

DI DESCUENTO CASH
ARIBA BO COMPRANAN
DI Afs.50,- PARIBA.
BO MESTER POR PROBA
DEBIDAMENTE CU BO A
HACI AÑA E DIA EI !!

"BUY OF THE WEEK"

BRENCHIES
HARDWARE • CENTER

BRENCHIES
BUILDING • MATERIALS
Oranjestad, Dakota & San Nicolas

BRENCHIES
HOME • CENTER • ANNEX

WEEKLY SPECIALS !!

MARCH 25 - 30

15%

CASH BACK

"RUBBERMAID" STEP TOOL

IRON BOARD

"PANA" HANGING STORAGE

FLOWER POTS

MEDICINE CABINETS

CHIMES

"BUY OF THE WEEK"

BRENCHIES
HOME • CENTER • ANNEX
Oranjestad & San Nicolas